

peccatum penitere: cum penitentia sit necessaria ad peccatorum remissionem, vt apud D. Lucam constat: sic etiam penitentia præceptum statim à peccato commisso quo ad actum contrarium de non complacendo, in peccato obligat, ita vt si aliquando placuerit, mortaliter peccetur, si statim actus, de quo complacencia habetur, non prohibeatur: ratio est, quia omne præceptum affirmatiuum includit negatiuum de actu contrario obligandi pro semper. v.g. præceptum honorandi parentes, includit hoc negatiuum, scilicet nunquam verbo, aut facto parentes inhonorandos. ]


29 Nec etiam † diebus festis, Syluest. in ver. Dominica. q. 6. versic. quartum. Sotus, qui supra artic. 6. Nauar. cap. 13. num. 17. [ Patet ex Exod. vbi dicitur: Memento, vt diem sabbati sanctifices. Et statim modus sanctificandi subiungitur, scilicet: Non facies omne opus in eo tu, & filius tuus, & filia tua, seruus tuus, & ancilla tua, iumentum tuum, & aduena, qui est intra portas tuas. Vbi solum præcipitur quies ab operibus corporalibus seruilibus, nõ autè à seruilibus spiritualibus, qualia sunt peccata. ]

S V M M A R I V M.

- 1 Peccata venialia an indigeant contritione, & num. 3.
- 2 Venialia multis modis remittuntur, & num. 3.
- 4 Peccatum veniale multis modis dicitur, & quibus.
- 5 Peccati detestatio triplex, & qua ex eis requiratur ad dimissionem venialium, num. seq.
- 7 Venialium ad remissionem, duo requiruntur, & ea, qua sint.
- 8 Augustini auctoritas in capit. 8. de vera, & falsa penitentia, quomodo intelligenda.  
Detestatio venialis implicita est in seruen-  
ti motu charitatis.
- 9 Propositum in mortalibus, & voluntas abstinendi sufficit in venialibus.

- 10 Aqua benedicta, & id genus cetera, quomodo intelligantur remittere peccata.
- 11 Aquam non benedictam credens benedictam, accipiens non obtinet veniam.
- 12 Charitatis excitatio tria, qua venialium remissoria causa esse possunt, & qua.
- 13 Aqua benedicta virtutem inimici reprimat, si aspersus à mortali sit alienus.
- 14 Confessio generalis, quare in Prima, in Completorio, & à sacerdote ante altare præmittatur.
- 15 Aqua lustralis an asperso morienti, statim præ adiuum in celum.
- 16 Peccati venialis triplex genus.
- 17 Peccatum veniale pluribus modis mortale efficitur. & num. 19.
- 18 Pollutio nocturna, quando mortale.

Contritio an de venialibus requiratur. Cap. VI.

- 1  Ica hanc † præsentem quaestionem triplici modo potest impugnari, quòd ad remissionem venialium non sit necessaria contritio. Et primò quòd veniale remitti possit absque contritione, patet; quia inquit Aug. Quod facit gutta aque in camino ignis, hoc veniale facit in viro iusto. Ergo videtur, quòd remitti possit solo seruore charitatis absque contritione aliqua. Præterea ad rationem veræ contritionis requiritur, non solum detestatio, sed & verum propositum cauendi peccata, sed sine tali proposito peccata venialia dimittuntur, cum certum sit, quòd homo sine illis præsentem vitam ducere non possit: ergo venialia possunt remitti sine contritione.
- 2 Rursum † per benedictionem episcopalem, & aquam benedictam, & multa alia, prædicta venialia dimittuntur, vt est glo. sing. in probè. in 6. in ver. Benedictionem, ergo sine contritione.
- 3 His † tamen non obstantibus cõtrarium asseueramus, videlicet, contritionem necessariam in venialibus virtua-